
СИНГАПУР КОМПАНИЯСИ ФАРҒОНАДА ИНВЕСТИЦИОН ЛОЙИҲАЛАРНИ АМАЛГА ОШИРИШНИ РЕЖАЛАШТИРМОҚДА

Вилоят ҳокимининг ўринбосари Иқболжон Эргашев, Ўзбекистоннинг Сингапурдаги элчиси Қаҳрамон Шокиров ва Сингапурнинг қурилиш соҳасидаги энг илғор компанияларидан бўлган “TiongSeng Group”нинг стратегия ва режалаштириш департаменти бошлиғи Дариус Лим билан онлайн учрашув бўлиб ўтди.

Дунёнинг қатор мамлакатларида шаҳар инфратузилмалари, хусусан мактаблар, меҳмонхоналар, турар жой мажмуалари, бизнес марказлари қурилиши билан шуғулланиб келувчи ушбу компания вилоятимиздаги қурилиш лойиҳаларида ҳам қатнашишга катта қизиқиш билдирди.

Компания анъанавий стандарт қурилиш усуллари билан бир қаторда тежамкор тайёр блокларни қуриш механизмини, яъни модуллар асосида қурилиши мўлжалланган бинонинг блокларини алоҳида тайёрлаб, сўнгра бинони лего услубида кўтариш тизимини жорий этган. Бу жараён орқали кам меҳнат сарфи билан, тез ва сифатли тарзда осмонўпар биноларни қуриш имконияти юзага келади.

Сингапур томонининг қатор таклифлари ўрганиб чиқилгач тез орада вилоятимизнинг қурилиш борасида етакчи бўлган фирмалари ва мутасадди ташкилотлари иштирокида навбатдаги онлайн мулоқот амалга оширилишига ва амалий ҳамкорликка киришишга келишиб олинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-04-22 12:06:32